



kat.komp.

39142

I

Mag. St. Dr. P

Teol. 2870.

Mag. nas
Mart. Stanis. Mameu

Thomistica

Biblioteka Jagiellońska



stdr0002464

M
T
OF
D
D O
In F
M.
F
Ap
469

MANVS
THOMISTICA

SEV

ORATIO PANEGRICA IN LAVDEM

D. THOMÆ

AQVINATIS
DOCTORIS ANGELICI

In Peraugusta SANCTI DOMINICI Basilica Florenti,

Apud Patres Ordinis, Predicatorum

A

M. MARTINO STANISLAO FRYDRYCHOWICZ
ERECTA, DEMONSTRATA, DICTA

Anno Domini 1670. Die 7. Martij.

C R A C O V I Æ,

Apud ALBERTVM GORECKI, S. R. M. & Almaz

469. VNIVERSITATIS Cracouiensis Typ.

SINE TVA GRATIA SUMVS IN MISERIA,
O M A R I A

MAGNI REGIS FILIA

MAGNI REGIS MATER



Tu nunc Strydane clarescis omnibus dulcis & pia

39742 T

In besitanti mibi cuinam Patrono hanc Manum D. THOMÆ Aquinatis dicarē, consecrarem, & offerem, Tandē placuit ut illam non cupiam alteri, nisi TIBI quæ es Mater, & Virgo, nisi Tibi quæ es Manus Altissimi consignarem. Habet enim hæc manus mea à Tua directione, protectionem, habet à Tua informatione consolationem: habet protectionem, quia per Te erecta: habet consolationem: quia per Te in præsentia Filij Tui dicta. Unde si aliquorū mens, scriptaq; manibus Principum offerantur, ego qui minimus & pote nullius sum inter Oratores Tibi tanquam Supremæ Domine, ac Regina, mea hoc quātulumcunq; opus meū præsentō, & in manibus Tuis Sacratissimis collocare volo. An non manus Domini fabricavit Te in Dominam, ac Reginam Nostram? manus Domini fecerūt me, ut adorē & glorificē Te cū Filio Tuō in seculum. An non manus Dñi elegit & prælegit Te ab æterno, ut esses Mater Tanti Dei? manus Domini descripserunt me in manibus meis, ut siam servus. An non manus Domini Te benedictam in terris & exaltatam posuit in calis supra omnes Choros Angelorum? manus Domini plasmauit me, ut sim particeps Tuæ benedictionis, particeps felicitatis æternæ. Quam dum præstolor ad Aedes Studanē. Manus meas humillimas in momenta, boras, & dies ad Te, & Clementissima Domina tendo, ut sim semper Tuus, Tuq; Filij dulcissimi in ætænum. Humillimus Servus

MARTINVS FRIDERICHOVICZ
Penitentiarius Studanensis.

MANVS THOMISTICA

S E V

Oratio in laudem Dñi Thomæ Aquinatis Doctoris Angelici.

Ela amica manus, eia secundum pectus, excute liquid interioris penetralis tui inclusum tenes conclavi quo linguam in verba, famam, laudes, encomia SS. THOMÆ Aquinatis incipit desiderio dicendi, iam ferè emortuam animare possis. Equidem non bellicum strepit, sed pacatum, & nomen ipsum quando Angelicus Doctor conductum, dicam verius locatum.

paci vniuersæ, vel in ipsis cunabulis adhibet suum honorem. Itaq; amica manus, porrige manū, & da aliquando verba, da famam, da laudes, encomia Diuo THOMÆ Aquinati, at quænam verba reportabit? saltim vnicum illud nunquam intermorum tanquam Angelus, Angelicum suscipiat Aue: Aue etenim hoc vbi adhuc infans demissum sibi cælitus in schedula præ suis compræssis tenuisset manibus, quasi quoddam dulcoratum libamen ori apposuit, totumq; sanè consumpsit, vt in præsentiarum iam potuisset dicere: si benè sum pastus, & cur non sum, tanquam alter Angelus in terris castus. Famam autē laudes, encomia, quæ à nobis reportabit? en multi eruditione & doctrina conspicui viri, Sanctum THOMAM Aquinatem miris encomijs, & titulis, vt celebrant, ita celebrare non desistunt, quos inter & ipse laudatissimus, atq; doctissimus alter Ioannes Picus: Est (inquit) S. THOMAS nostræ Theologiæ splendor, alter verò Ioannes Arboreus ipse dignissimus Cedro, dignissimam attulit sententiam: Sanctissimus THOMAS est (inquit) ingeniosissimus, eruditissimus, cui in Palæstra, & exercitatione Scholastica nemo proximus fuerit: Franciscus autem Vargas ipse omni laude cumulatus hanc laudabilem reliquit opinionem: Sanctiss. THOMAS adeò est diligens veritatis explorator, vt nihil abditum, nihil remotum, nihil obscurū esse permiserat. Et quid frustra numerabo summos Pontifices, quos inter cæteros Ioannes 22. summam ipsi tribuit laudem: Tot miracula Diuus THOMAS perpetravit, quot articulos de Diuinis dogmatibus scripsit, iam verò Paulus 5. omnium grauissimus his titulis & elogijs coronidem faciens, splendidissimus inquit Fidei Catholicæ athleta, cuius scriptorum clypeo militans.

tans Ecclesia Hæreticorum tela felicissime elidit. Tandem vni-
uersus Orbis Catholicus, gaudens tam sapientissimo, tam do-
ctissimo, tam solidissimo & veracissimo Patrono & Doctore.
eximio ipso stupente cælo admirabundus, immo venerabundus
ei acclamat: Sanctissimus THOMAS Doctor est Angelicus.
Age ergo & tu amica man9 tibi adsis, nec te deferas, quin audi-
tis his admirandis, & stupendis elogijs, & titulis obstupeas:
habet sua cuiusq; manus, quod suum possit huic Sanctissimo
THOMÆ Aquinati offerre munus. Oratorum præsertim Pon-
tificiorum Romæ talis est consuetudo, vt sermonem facientes
manum sub pallio contineant: adest quippe & nobis præsen-
tissimus Summus Pontifex IESVS Christus, quoniam verò pro-
clamant Theologi aliud erare esse, aliud perorare, ideo de ma-
nu Sæctissimi THOMÆ Aquinatis peroratûrus, si & Sæctissimû
Doctorem, Manum DEI appellauero, manum meam sub vestē
minimè seruabo, immo potius nunc expressam non compressā,
ô IESV Dulcissime, Tuo tamen cum iuuamine ô Virgo dul-
cissima, tuo cum patrocinio ad laudem tanti Viri accomodabo.
Quam si in hoc nobilissimo vestro confessu, & frequentissimo
confluxu deuiare aliquantisper à proposito senseritis, oro, ob-
testorq; vos AA. vt eam vestris manibus humanitatis & bene-
uolentiæ plenis subleuetis. Sed forsan Nobilissimi AA. ante-
quam manum Sanctissimi attrectauero, dicet aliquis? nonne
caput potior & præstantior est corporis pars, frons facies, oculi
ipsum deniq; cor, quam manus, & tamen Manum Sanctissimi
THOMÆ Aquinatis ad celebrandum assumpfisti? Doctor gen-
tium, Ecclesiæ præclarissimum fulcimentum & ornamentum,
vel ipse respondeat nobis sicut quondam suis Ephesianis. Pro
inuicem sollicita sunt membra, & si quid patitur vnum mem-
brum,

brum compatiuntur omnia membra, si verò gloriatur vnum-
membrum, congaudent omnia membra: proinde si hodierna-
die cōgaudet, lætatur, & tripudiat manus Sanctissimi THOMÆ
Aquin. credibile est, veritatiq; consonum, quòd & caput, frons
facies, oculi, cor, immo totum corpus gloriosissimum, eam si-
bi gloriam & honorem nunc attribuit, quem sola à nobis perce-
perit Manus. Eia igitur amica manus iam placet, immo ne-
cessarium est, vt hanc Manum Sanctissimi THOMÆ Aquinatis
ad munus tuum arripias, & nobis bona prominentia quàm ci-
tissimè edisseras? Agnoscimus sanè quod hæc Manus Sanctiss.
non alia quàm DEI manus, & munus est? ergo quid Diuinum
in illa non modo legere; sed intelligere poterimus. Ingenio-
sissimus omnium Artifex DEVS, quando totius corporis hu-
mani ideam fabricare instituit, vbi manum fabricatam reliquit,
tunc quinque eam potissimum digitis exornatam conspiciamus,
ita vt alius pollex qui polleat, alius index, qui res indicet, alius
medius, qui medium teneat locum; alius annularis, qui annu-
lum deferat; alius auricularis, qui aures ad audiendum exci-
tet, vocetur, dicatur, nuncupetur. Lustremus itaq; & nos &
tractemus Manum Sanctissimi THOMÆ Aquin. & facile vide-
bimus, quòd DEI bonitas, & clementia ad Manum Sanctissimi
apposuerit hosce quinque digitos, quos alio nomine si appella-
re liceat, nos virtutes excellētissimas appellabimus, his etenim
Sanctissimo THOMAS Aquin. in terris viuēs clarere, & illumi-
nare mundum vniuersum visus est. Proinde si iam ordine pri-
mum, qui est pollex, vel hallux videre intenderimus, hic sanè
Iustitia est virtus omnium præstantissima, quam si quis cæcuti-
ens vel parum ad manum Sanctissimi non aduerterit, tunc ad-
pectus Sanctissimi suos reflectat oculos, & ibi eandem coru-
scan-

scantem suis radijs inueniet? Aristoteles omnium Philosopho-
rum Princeps, vbi iustitiam in suis Ethicorum Libris benè exa-
minauerit, & trutinauerit, iu hæc verba prorumpit: iustitia
est præclarissima virtutum, adeò vt nec Lucifer, nec Hesperus
est ita clarus: an igitur spiritu Prophætico Aristoteles non est
contemplatus iustitiam nostri temporis in Sanctissimo THOMÆ
Aquîn. sapientissimus vel ipse Polimades iudicet. En ipse iu-
stitiam nostram claritate cum Lucifero, aut Hespero certare
minimè permittit: ergo cum fidere illo clarissimo, & splendi-
dissimo (solem hîc inteligo) quod pectus Sanctissimi illumi-
nat certare liberimè permittat. Habet quippe hoc Sol ille splē-
didissimus apud rerum naturalium indagatores laudis, vt lucē
suam toti mundo communicet: habet hoc vt rerum naturas
commutet, vt ex mollibus dura, ex duris mollia efficiat: habet
hoc vt suam lucem, quamuis maximis tenebris, & nubibus ob-
uolutam iterum repetat ac vindicet. Iustitiam Sanctissimi THO-
MÆ Aquîn. si quis diligenter considerauerit, omnia hæc tan-
quam in Sole clariùs perspiciet. Si etenim Sol lucem suam toti
mundo communicat: equidem Sanctissimus noster iustitiam
suam toti mundo exhibuit, cum omnium linguis atq; oris iustis-
sime iustus Doctor, iustus Patronus vniuersæ Ecclesiæ, iustus
Incola cæli audiatur. Aristides Ciuis Atheniensium, ob excel-
lentem hanc virtutem, & egregias animi dotes, vulgò inter su-
os iusti cognomen sortitus est, profuitne ipsi hæc sua iustitia?
Viguerat eo tēpore Athenis lex, quâ singulis Annis populo po-
testas fiebat, vt vnū Ciuē quemcunque suis votis delegissent, in
exilium pellere possent, dum ergo semel ea de re feruntur suf-
fragia, infimæ conditionis quidam, cui de nomine tantum Ari-
stides notus erat, suffragium laturus, cū scribere nesciret, is
forte

forte fortuna in Aristidem incidit, eumq; impense rogauit, vt in tabella nomen Aristidis scriberet, quippe illum, qui in exiliū mitteretur, dignum putaret: at Aristides; Amice, inquit, obsecro te quid inquam mali fecit tibi Aristides: nihil vnquam, inquit, ille infimæ fortis homuncio, tum Aristides, Cur igitur illum in exilium eijcis? quia inquit vnanimi consensu Iustus appellatur. O vocem, & suffragium à barbara gente profectū! quod Aristidem eumq; Iustum à consortio, & socio Athenien-
sum eijcis, & separas? an & Iustitiam nostram, Sanctissimum. **T** M A M Aquin. è contubernio Doctorum, eumq; primari-
um, quia Angelicum, è numero Sanctorum, quia Incolam cæli eijcies, & mulctabis infausto hoc exilio? infaustus tu ipse, & insanus, vt dum Iustitiam nostram exulare intendis, quæ nihil vnquam mali fecit cum Iustissimo Ihs v ipse exul Iustissimus & abiectissimus efficiaris. Soli ad hæc ea natura est, vt rerum naturas commutet, vt ex mollibus dura, ex duris mollia effi-
ciat: Iustitiæ nostræ Aquinaticæ haud deest tanta qualitas? quis enim nunc mollibus, & delicatis durum, & graue onus Religi-
onis? quis duris & obduratis, molle & suaue iugum Christi me-
li9 & facili9 expōtat? si non Iustitia nostra, molles certè, & deli-
cati fuere ipsi9 Maer, Soror, & Fratres, qui molliēbātur, vt san-
ctam Religionem defereret, attamen Iustitia nostra effecit hoc
vt soror mollissima, & delicatissima suspiceret hoc graue & du-
rum onus Religionis: duri & omni saxo duriores fuere tot, v-
triusq; sexûs in solo Aquinatico Ciues: attamen Iustitia nostra
effecit hoc, vt exinde ipsius exemplo prouocati innumerabiles
amplectantur molle & suaue iugum Christi, loquantur id pro
me, tot in Orbe Christiano Religiosorum erecta cænobia: lo-
quantur tot Religiosorum fundata Claustra, ego plus quam Pi-
tagoras

thagoras silentium seruabo. Conceditur ad extremum Soli, ut
suam lucem nubibus, vel tenebris obductam, iterum repetat,
ac vindicet. Teterrimæ sunt nubes Arianorum, Caluinorum,
Lutheranorum, quæ nostram iustitiam sæpius ac sæpius obfusca-
re soleant: teterrima est nubes illa quorundam, an in Ecclesia,
an extra Ecclesiam degentium, teterrimo colore subducta pie-
tas, & tamen ubi iustitia nostra radios, non tam ingenij, quàm
nominis sui explicauerit, has teterrimas nubes ultra Garaman-
tas & Indos propellit, & non modò in pluuiam, verùm etiam in
fauillam, & pulueres minutissimos soluit. Sed ne ad aspectum
huius digiti ad instar Solis fulgentissimi ipse quodam modo cæ-
cutiens videar. Eia amica manus, quid post Aquinaticam ipso
Sole clariorem iustitiam ruminandum & trutinandum offers.
Alter horum digitus index est, et indicat nobis & demonstrat
Sanctissimi THOMÆ Aquin. prudentiam. Hominem pruden-
tem præsertim sermo prudens & moderatus ostendit, vel ipsa
attestante scripturâ sacrâ quæ dicit. Qui moderatur sermões su-
os, is doctus & prudens est, ac prætiosus spiritus, & alio in loco
verba prudentum staterâ ponderabuntur. Vnde Deus ipse O.
Max. qui est omnium prudentissimus, an non hunc modum pru-
dentia verbo simul & exemplo docuit, considerat? Ipse ete-
nim per æterna sæcula in sua sapientia contemplanda & fruenda
quieuit, & tarde puta initio mundi loqui cæpit, vnicuique ver-
bo fiat, cælum, terram, & omnia quæ in eis sunt creauit. Tan-
dem ubi iam per quinque Millia annorum, vel ultra hic stetit mū-
dus, itidem paucissima locutus est, quæ in Biblijs continentur.
Insuper ubi verbum Incarnatum in terris apparuit: attamen e-
undem prudentia modum seruauit, dum hoc verbum, verbum
infans & elingue factum est: Huius virtutis admirandæ S. THO-

M A S Aquin. an non æmulator acerimus est, videte **AA.** statera
statera ponderauit verba huius prudentiæ nostræ Magister ex-
cellentissimus & doctissimus Albertus Magnus cum in quadã
ardua & difficili disputatione plurimis literatissimis Viris de-
corata, in decorem & gloriam tanti Viri dixisset? Thomas tu
mihi non tam respondentis quàm Doctoris locum obtinere vi-
deris: conuersusq; ad alios dixit? vos hunc Thomam bouem
mutum vocatis, sed ille certè tales quandoq; mugitus docendo
dicendoq; dabit, vt totus ipsum possit audire Orbis. Et hæcne
est sola prudentia Aquinatica? Romanus Orator in his tribus po-
tissimum prudentiam consistere docuit: in præsentium ordina-
tione, in præteritorum recordatione, in futurorũ præuisione:
Tria hæc prudentiæ munera **S. noster THOMAS Aquin.** perfe-
ctissimè executus est: nam vbi eò mentem & cogitationem su-
am direxit, vt terrena despiceret, cælestia amaret, & ad ea in-
tensissimè aspiraret, an non hæc præsens prudentia est? vbi tã-
dem Religionem Sanctissimam ingressus, mala mundi caueret,
& bona eligeret, an non hæc præterita prudentia est? vbi ad
extremum hæc quæ elegit bona (vt vltimum finem qui est bea-
tudo æterna assequeretur) ipso facto faceret, doceret, ostēde-
ret, an non hæc futura prudētia est? Quid ergo amplius restat, vt
prudentiam prudentissimi **THOMÆ Aq.** audiamus? Iustinianus
sanctissimus Imperator sanctè contemplans prudentiã sic eam
definiuit. Prudentia est Diuinarum humanarumq; rerum noti-
tia. O quæ nostra temporum felicitas est, vt hanc vtramq; no-
titiam perfectissimè & exactissimè in nostra prudentia videam-
us? quidquid enim in reconditissimis Prophatarum prædictio-
nibus latet: quidquid vetus, aut nouum Testamentum conti-
net, hoc totum Sanctissimo nostro obuium & apertũ est, quid
quid

quid verò in penetralibus naturæ arcanis latuit, & quid quid antiqui & moderni Philosophi cognouerunt,, aut se cognouisse fatentur, hoc totum prudentissim⁹ noster à cedro vsq; ad hyssopū meliùs cognouit, meliùs sciuit, meliùs intellexit. Quisquis igitur sub tam insigni Magistro, & Doctore prudens euadere desiderat, vel optimus eius discipulus cum sponsa humiliter dicat? Trahe me curremus in odorem vnguentorum tuorum. Trahe nos ô Doctor prudētissime, ô Magister doctissime, trahe nos, inquam, ignorantes, vt nos reddas scientes, curremus in fragrantiam virtutum tuarum, & præsertim solidissimæ prudentiæ tuæ. Eia amica manus iam nobis iustitiam prudentiam Sanctissimi THOMÆ Aquin. indicāsti, & quæ interim media vox, mediam ipsius virtutem indicabit? Ad nostram propriam manum etiam medius ille dicitur digitus, qui medium inter duo extrema occupet locum: ad manum S. THOMÆ Aquin. media virtus Temperantia est, eò quòd à priori, & à posteriori inter duas reliquas virtutes medium teneat locum: quis potest numerare stellas cæli, aut arenā maris? quis potest ex aduerso nūerare pedisequas, seu ancillas Tēperātiæ? facunda est & facunda bonarum actionum Mater, ita vt hæc sola virtus mansuetudinē, liberalitatem, grauitatem, tristitiam, seueritatem, verecundiā, vrbaneitatem, amicitiam, beneuolentiam, concordiam, amorem, pacem, continentiam, abstinentiam, castitatem, bonitatem, puritatem, innocentiam, & plures alias suo gremio foueat, contineat, amplectatur. Vnde si omnes, & singulas ad Manum D. THOMÆ Aquin. lustrare expediret, & me ipsum prius vox, & auditorem meum dubiò procul tempus deficeret. Ad normā ergo & formam digiti, qui tribus tantum ossibus constat, & nos Sanctissimi THOMÆ Aquin. Temperantiam videamus: ita tamē

ut aliam abstinentiam, aliam sobrietatem, aliam continentiam,
in ipso sentiamus. Aderat quondam aderat mensæ exquisitissi-
mæ apud Ludouicum Gallia Regem, iam eduliorum, ferculo-
rumq; varietas suos delectabat oculos, & ecce mens Angelica
non in patinis pipere & croco instructis, quàm in profundissi-
mis contra Manichæos existens cogitationibus, palma percuti-
ens mensam altissimè & profundissimè dixit: iam definitum est
contra Hæresim Manichæorū, existimansq; se esse in propria
Cella, vocauit socium suum, ut scriberet Conclusionem menti
sua, & cogitationi oblatam, cumq; admoneret eum Prior, qui
cum eo fuerat, ut attenderet se esse ad mensam Regis, Vir San-
ctissimus profunda illa & studiosissima cogitatione remota re-
spondit: ignosce quæso, Domine Rex, putabam me domi ver-
sari in Cella nostra, quo audito Rex noluit, ut ulterius cōuiui-
um ipsum procederet, quin Vir Sanctissimus Conclusionem
sibi oblatam, & fortissimè imaginatā prius dixisset, scripsisset,
approbasset. Quam igitur abstinentiam obseruauerit S. THO-
MAS Aquin. vel hoc vnicum, & nos præsertim hoc Quadrage-
simali tempore minùs abstinentes doceat, & admoneat exemplū.
Si verò sobrietatem ipsius attentare volueritis: inter tot assidu-
os & grauissimos labores, inter tot feruidissima & zelotissima
colloquia Diuina, inter tot pijsimas & deuotissimas meditati-
ones, & orationes, quibus interdum ad spatium trium dierum,
& ultra mens eleuabatur, fuitne tempus quo vel minima guttu-
la vini reficeret corpusculum suum: pareite quæso mihi, ebrij,
quorū vel nasus ipse calices siccos facit, Sanctissimū THOMAM
Aquin. ad ultimam vitæ periodū semper addictū fuisse sobrieta-
ti ita, ut mens semper fuerit sana, salua, sancta, in corpore sano,
in corpore saluo, in corpore sancto. At continētia ipsius, quæ
poti-

potius castitas dicenda est quæ & quanta fuerit? perpèdite. Admi-
ratus sum ego, admiratus non semel in mentibus sanctis, egre-
gias & laudabiles virtutes, quibus in hoc seculo florebant, vi-
gebant, triumphabant: & vidi fidem Basilij Magni, spem Theo-
phili, charitatem Francisci, misericordiam Dominici ipsius Pa-
triarchæ Ordinis Prædicatorum, humilitatem Ignatij, patien-
tiam Benedicti, vidi certè in alijs nobilissimas virtutes, quibus
Venerandi illi Patres in cælis suas reportârunt coronas & laure-
as. Sed dum iam intueor Manum Sanctissimi Nostri Doctoris,
& ecce vidi, & aduerti in ea, niue candidiorem, cygno nitidio-
rem, ebore ipso clariorem castitatem. Tentauerat hanc, ten-
tauerat expugnare, & ipse infernalis Draco suis præstigijs,
cùm ad decipiendum & capiendum ipsum è Monasterio Paren-
tes, Fratres, Sorores, subornauerit subordinauerit. Tentaue-
rat & ipse falacissimus mundus immundus, cùm ipsi tot hono-
res, tot delicias, tot diuitias Domini ante oculos præposuerit.
Tentauerat & ipsa mollis, & effeminata caro, vt potè mulier
melle mollior, cùm cò audaciæ processit, vt ipse suas manus per
summam lasciuiam suis manibus apposuerit: at Vir Sanctissimus,
Angelicæ puritatis memor, ad iustissimam iram prouocatus,
qui nunquam aliquando succensuisse scribitur, titiorem arripu-
it, in illam q; attentatæ voluptatis hydram retorfit, atq; è cubi-
culo suo procul fugauit. O factum solaribus radijs scribendum!
parcite lydera, ignorete beatissimæ mentes, datæ veniam no-
bilissimi spiritus: habitat & intra nos quædã magna vis non Nu-
minis, sed hominis, cum quo vobis vestras laudes partiri, ne di-
cam, cui à vobis primas laudes tribui sit necesse. Si enim vestra
innocentia, nullas contrahit vitiorum sordes, si nullis rationib;
ad blandũ scelus impellitur, vestra tribuere debetis felicitati

non virtuti, quod benignitate vestri Conditoris ab omni con-
cretionem corruptionemq; mortali seiuncti, causas occasionum
procul habeatis, at huiusce gloriæ Sanctissimus Doctor quod
tam horrenda tempestate iactatus, felicissimè ad promontoriū
appulit castitatis, totum hoc quantumcunq; est, quod certè ma-
ximum est, totum inquam, inusitatae eius virtutis infracti pe-
ctoris est. Nihil sibi ex ista laude conditio Beatissimi statū vē-
dicat, & decerpit; quinimò ipse Beatissimus Hipponen Antistes
Augustinus Fratri Alberto de Brixia apparens in istius societa-
tem sese non offert sed fatetur: **THOMAS** mihi par est in glo-
ria, sed & virginitatis laureolā me præcedit per gratiam Chri-
sti. Utinam utinam **AA.** quot sunt in Ecclesia Dei Myrtæ, tot
sint in conseruanda castitate Thomistæ, dubiò procul vel hæc
sola, & vnica virtus sufficeret ad obtinendum vltimum beatitu-
dinis finem, sufficeret ad contemplandam in sua essentia Diuinā
Maiestatem, quā nunc Sanctissimus **THOMAS** in æternum frui-
tur, delectatur, iucundatur. Sed heus lingua quo vadis? & bre-
uitas quædam temperantia est, age itaq; vt temperans sis, dum
temperantiam Sanctissimi **THOMAS** Aquin deprædicas. Inte-
rim eia amica manus, quid vltra recipiendū sit, da vel dic, quod
promiseras ab initio? Dabo certè, vel dicam illud, quod vel mi-
nimo proximus nobis suppeditat, ac porrigit digitus. Annula-
ris est, & nisi ad anulum id ē aureum deferendum accomoda-
tus. Mirum profectò est, vt quilibet status, & conditio suum
tractet & deferat in suo digito anulum. Monopola aliquis est,
& ideo defert, vt mutuam suō Creditori aut etiam Emptori ex-
hibeat fidem. Sponsi aliquis nomine gaudet, & ideo defert, vt
mutuum & reciprocum suæ Sponsæ præstet & polliceatur amo-
rem. Doctorali aliquis Laurea fungitur, & ideo defert, vt ho-
noris

nor is sui symbolum, & præmium virtutum suarum, insigne recipiat. Sanctissimus noster THOMAS Aquin. vt potè Angelicus Doctor ad Manum sui digiti defertne ita honori, ita virtuti correspondentè suum annulum? ob illibatā suæ mentis pulchritudinem, quā totus puritas, totus candor, totus nix semper apparuit ab Illibatissima Deipara Virgine MARIA, quis dubitat tanquam Sponsum suum isto annulo non fuisse subaratum; ob præclaram sui ingenij indolem, quā totus sapientia, totus prudentia, totus intellectus apparuit, quis dubitat à præclarissima, & toto Orbe celeberrima Matre Acadēia videlicet Parisien. non fuisse decoratum. Et quid mirum igitur est, si Sanctissimus Doctor duplici ex fonte suum gestauerit annulum. Latet, latet quid Diuinum, quid heroicum, quid magnanimū in nostro Sanctissimi THOMÆ Aqu. annulo, & quid illud est? Fortitudo plōquā Samsonis fortissimi, fortitudo plūs quam Hectoris alicuius inuictissimi. Sed quæ annuli cum fortitudine vicinitas est. Annulus præsertim aureus excedit omnia metalla, vt potè argentum plumbum: Fortitudo Sanctissimi THOMÆ Aquin. excellens, & excedens est omnes naturæ humanæ vires, quandoquidem omnia huius mūdi delectamēta, omnes machinationes, omnia tormenta in suum pectus retorta & directa, felicissimè superauerit, vicerit, prostrauerit: annulus ad manum semper vnicus est. Fortitudo Sanctissimi THOMÆ Aquin. aduersa præsertim sustinere, ardua & difficillima aggredi, semper eadem & vnica fuit: annulus circularis vel rotundus est: Fortitudo Sanctissimi THOMÆ Aquin. est interminabilis, dum eandem ad actum cuiuscunq; operis ad nobilissimam Figuram Sphæricam, nempe ipsum DEVM principio, & fine carentem deposuerit: annulus ad extremum nullus est, qui suam non habeat gemmam: Fortitudo

tudo Sanctissimi THOMÆ Aquin. nulla est, quæ suam non habeat annexam fiduciam, patientiam, perseverantiam. Si itaque volumus esse, & ipsi fortes in functione sui muneris & officij, prout incipientes habeamus fiduciam, prout laborantes habeamus patientiam, prout perficientes habeamus perseverantiam, & ita facile. Fortitudinem Sanctissimi THOMÆ Aquin. si non superauerimus, profectò æmulabimur, imitabimur, amplectemur. Eia amica manus, quid tandem ulterius tanto in confluxu Virtutum Aquinaticarum das & porrigis nobis? ille qui ordine ultimus inuenitur digitus Auricularis est, quod ut plurimum, aures ad audiendum excitet ac prouocet. Optarem AA. ut paulisper & huic digito suas accommodetis aures, haud enim postremam si non primam ad manum Sanctissimi virtutem demonstrabit: at quænam est illa obedientia, quæ præsertim in Religiosis est propriæ voluntatis sepulchrum, & gratius cunctis victimis holocaustum: dignissima sanè virtus, quæ ad Manum Sanctissimi & Religiosissimi THOMÆ Aquin. resideat. Venerat aliquando, venerat Religiosus quidam eiusdem familiæ Bononiam, ut ibi fortè quidpiam rerum necessariarum compararet. Asceterium ergo adit, & socium itineris comitem in forum quærit, obuium habet Sanctissimum Doctorem nondum sibi de facie notum, edicit ut mandato superioris pareat sibi permittentis, ut quemuis obuium fratrem in socium sumeret, & se sequeretur præeuntem, Viro Sanctissimo qui semper parere didicerat, res haud magna visa fratrem iuniorem libentissimè sequitur: sed quid factum in procinctu itineris, anima sanctissima quæ cælestibus semper intenta cogitationibus, corpus suum multoties deferebat, & tunc etiam pedibus officium præ debilitate negatibus, desiderio quidem obsequendi fratri, fratrem præcurrebat.

bat, sed corpus non nisi ex interuallo sequebatur. Frater pro-
inde, vbi sanctissimum respexit, ignauiam dixit, quod summa
debilitas erat, inertiam appellauit, quod valetudinis affectus
maximum fuit damnum: attamen silente sanctissimo Doctore,
quasi, si quis furdo conuitiaretur, vel littori loqueretur. Quæ
vox? quæ latera? quæ vires vnius demissionis commendatione
possint sustinere? iam tunc aliquot Annos Bononiæ Doctor cla-
rissimus, cum ingenti sui nominis celebritate professus fuerat
Diuinam sapientiam, iam illam quæ de ipsius corde & ore pro-
cedebant, non tam dicta, scripta, quam sancta miracula publi-
cauerat, iam tum omnium summorum venerationem college-
rat: iam cum clarissimis famæ præconijs ad æternitatis sudum
euolauerat: iam cum (vt clarius dicam) in animis, & pectoribus
omniū re & nomine Sanctus habitauerat, & tamē sic se deiecit,
vt vix imis par constiterit. Quare ergo sic deiectus, sic abiectus,
sic reiectus apud se Sanctissimus mansit? in vitis PP. Abbas Ne-
stero, quo primū die Religionem ingressus fuerat, ita apud
se statuit: Ego & asinus vnum sumus. Reuocate si placet, quo ti-
tulo, quoue nomine accipiebant, & excipiebant Condiscipulo-
rum cohortes Sanctissimum THOMAM: odiosum, & sanē exo-
sum bouis ab eis acceperat nomen: bos iumentum est, asinus iu-
mentum est: ergo & noster Sanctissimus vbi Religionem ingre-
di statuerat assiduē loquebatur: Ego & bos vnum sumus. Bos si
fustigetur, non prorumpit in contumelias, neq; etiā propterea
minus laborat: Sanctissimus noster quamuis à minimo sociorū
si fuerit euocatus ad laborandū haud molestē tulit, imo linguam
voci, manus operi, itineri pedes, totumq; seipsum collegit, vt
imperantis colligat voluntatem. Bos quod animal sit humile,
& contemptibile ab omnibus vilipenditur, & pauxillo stramine

sustentatur: Sanctissimus Noster ad humillimum, & planè infimum obedientiæ gradum sese deprimens, minimi officio serui fungitur, & non tam sibi, quàm Christo cibus Amigdaleus, non tamen stramineus fiat: Bos nec ubicūq; voluerit vadit, nec quādocūq; voluerit quiescit, nec quid vult facit, sed in omnibus, & per omnia Agasoni obsequitur: Sanctissimus noster ita voluntatis propriæ profundissimam abnegationem instituit, vt nec ad ipsum D E V M propitiùs accedere, nec hominem sequi, nec rationem exequi duxerit, quin priùs Superior obtemperare iusserit: Bos ad extremum tantæ submissionis est, vt nec comedit, nec quiescit, sed eius comestio & quies eò spectant, vt Domino suo magis subseruiat: Sanctissimum Nostrum siue comedere, siue dormire, siue recreari, siue quiescere aliquando oportuit, ita se gessit vt non magis D E O, quàm Religioni Sanctissimæ deseruaret. Emulamini æmulamini quotquot adestis Religiosorū Chori, Obedientiam Sanctissimi T H O M Æ Aquin. bouem simplicem, asinum simplicem, columbam simplicem, non miluum, non accipitrem, non coruum deferentem suum, nidum refert: cuius profectò Obedientiæ, si vestras iunxeritis manus, dubiò procul per omnia, & in omnibus Religioni vestræ parebitis, nec vnquàm semel sacrosanctè susceptam, dimissam facietis. O Peraugusta splendidissima candidissima Diuinæ istius Manus Religio, aut aliquando vestra manus lappas, & scelerum herbas procreauit: aut aliquando carduos & spinas germinauit, aut aliquando infelix lolium, & steriles criminum arenas multiplicauit? defuerant, defuerant hæc vitiorum fomenta, & sementa ad Manum Sanctissimi T H O M Æ Aquin. imò semper hæc Diuinissima Manus virtutum principia, virtutum incendia amplissima dedit, vt iam in vestra sanctissima Religi-

one tot purpureæ Martyrum enascantur rosæ, tot candidissima
Virginum pullulant lilia, tot illustres Confessorum erumpant
violæ, tot venerabiles Sanctorum promanant flores, quod ex-
lum stellas, quot arbor folia, quot mare guttas numerauerit.
Lætare igitur lætare Sanctissima Religio de tanto Filio, quæ
ipsum genuisti, & mihi de manu ipsius peroranti, si non oranti,
(quia incultus, & propè nullus sum Orator) indulgere velis :
fateor equidem fateor quòd in præsentiarum minùs dignè tra-
ctavi Manum vestram: ergo Frater meus, qui est Familiæ vestræ
deuotus, & nunc ad Manum Sanctissimi in Theologicis mini-
mus Discipulus, meam compenset paruitatem. Et quia hic ha-
ud licet mihi Filio suo charissimam silentio præterire Matrem.
Matrem scilicet illam, quæ totius septemtrionis decus, bonarū
artium & virtutum Magistra Regni, pubisq; Polonæ Generalis
Schola dicitur: en & hæc plenissima beneuolentiæ & amoris si-
gna declarans & demonstrans, Sæctissimæ vestræ Religioni plùs
quàm trecentis Annis hanc Sanctissimi adorat, veneratur, &
colit Manum, & ita felix, imò felicissima hac protegente, & di-
rigente Manu consummatos Theologos, Illustres Philosophos,
Oratores disertissimos efficit, & efformat. habet quidem illa
inde habet suos Censores, & Ofores, qui ipsius tantæ felicitati
& virtuti inuideant: sed quia bona est & optima Mater, proter-
uis & discolis parcit, ignoscit, condescendit, vt aliquando re-
sipiscant, & suum scire meram stultitiam, hoc autem vnum sci-
re Aquinaticum, veram scientiam & prudentiam fuisse intelli-
gant. Lætare igitur lætare & tu Alma & Celeberrima Mater,
quòd non alium, quàm Angelicum Doctorem ad docendum, ad
dicendum, ad dandum assumpseris : candidam hic Manum ge-
nit, quia totus candidus est. ergo prout capisti hanc ipsius do-

Erinam candidè impertiariis, vt tandè post exantlatos & enervatos labores & sudores, stipata & ornata candidissimis cælitibus, vel ipsa candida ad æternitatis metam, cum tuis Filijs felicissime progrediaris. Sed ne iam & vestra abuti videar patientiâ AA. Eia amica manus excusisti, quinimò dedisti nobis præstantissimas, selectissimas, florentissimas virtutes, quas vel ipsa Thomistica suppeditavit manus: cur igitur non sectabimur ipsius iusticiam, non mirabimur Prudentiam, non imitabimur Temperantiam, non præstabimus Fortitudinem, non faciemus Obedientiam. Equidem hæc Manus Sanctissimi THOMÆ Aquin. vitæ nostræ exemplar est, imo speculum lucidissimum. Proinde oro, obtestorq; vos AA. reliquos dies vestros sic capite vt harum allekti virtutum dulcedine, iustos vos prudentes, temperantes, fortes, obedientes Ministros DEI exhibeatis, dabit dabit vel hoc ipsū quod certè maximū est, Sanctissimi THOMÆ Aquin. Manus, vt si in hoc seculo nequam, aliquas contraxerimus maculas, ipsius meritis & intercessione muniti, erecti tandem ad illam æternitatem, ad quam nunc tendimus, stabimus, ad quam nos vel sua Manu ducat Ductor eximius, Doctor Angelicus, Patronus Sanctissimus, Confessor dulcissimus, THOMAS Aquinas,
D I X I.

*Cedat ad Laudem DEI O. M. & Beata Virginis MARIE Honorem
& DIVI THOMÆ AQUINATIS Gloriam.*

er-
ti-
fe-
a-
bis
vel
ur
ur
us
æ
n.
te
ē-
æ

